


H. Ref.

69.



40. H. Ref.  
69

Ausschreiben





H. Ref. Gg.

H. 17.

**L**antgreuisch gemeine  
auszschreyben / Protestation

vnd versach / das sein f. G. neben etlichen des  
Reichs Churfürsten / Fürsten / vnd Steten  
in jüngsten des Reichs zu Speyer besche-  
hen Abscheid / Christlichen Glaw-  
ben belangent / nit haben gehellen  
noch bewilligenn wollen

M D xxi.

R

Actinet Tegerinsee, Emptig anno 1530.

Bayerische  
Staatsbibliothek  
München



## Er Philips von Gottes.

Gnaden / Lantgrau zu Hessen / Graue zu  
Lazzenelpogen/etcet. Thun kantz/vnd  
zu wyssen/aller menigklich. Nach dem vnd als die  
Römische Keyserliche Mayestet/vnser aller gnedig/  
ster Herr/kurzuerückter zeýt/einen gemeinen Keych  
stag auß geschrieben/Vnnd Churfürsten/ fürstenn  
vnd Stende/auff den Sonntag Reminiscere nechst  
verschinnen/zu Speyer einzukommen/erfordert.

Dahin wir vns dann irer Keiserlicher Maiestet  
zu schuldigem vnderthenigem gehorsam / eygner  
person/auch verfüget /ynn meynung/neben andern  
Churfürsten/ fürsten/vnd Stennenden/in den sachen  
so in obberürtem Keyserlichen außschreyben / auß/  
gedruckt/zu hanndeln/dieselben erwegen / vnnd bes  
rathschlagen / zuuerhelffen .

Vnnd aber/durch etliche der gemellten Chur/  
fürsten/ fürsten/vnd Stennende/des Articuls halben  
wie von wegem/des schwebenden zweyspalts/ynn  
vnserm heyligen Christlichen glauben/in mittler zeit  
eins gemeinen freyen vnd Christlichen Concilij/oder  
National versamlung/fried vnnd einigkeit im Reich  
zuerhalten/auff die wege zu handeln/auch volgendes  
mit zuthuen/Keyserlicher Mayestet Stathallters/  
vnsern besondern lieben herin vnd Ohems/König/  
licher Durchleuchtikeyt zu hungern vnnd Behem  
Vnd irer Keyserlicher Maiestet verordentē Orator

vnd Commissarien/zu schliffen fürgenummen/dar-  
durch der abschied/so auff dem vörigen vnd negsten  
daselbst zu Speyer gehaltenem Keychstag/berürts  
Articuls halben/einmütiglich auffgericht vnnnd be-  
schlossen/mehr verandert dan erkleret worden.

Vnnnd dann wir auß vielen tapfferen vnnnd groß/  
mechtigen vsachen/vnser gewissen vnnnd pflichte/  
damitt wir Gott vnserm Schöpffer verwandt/be-  
lanngende/von vnns auff obgemeltem Reichs tag  
neben anndern vnsern freunden/Nemlich/den hoch-  
gebornen Fürstenn /herrn Johansen/Herzogen zu  
Sachsen/des heyligen Römischen Reichs Erzmars-  
chalck/vnd Churfürsten/Lantgrauen in Thüringen  
vnd Margrauen zu Meissen/herrn Georgen/Mars-  
grauen zu Branddenburg/zu Stetin/Pomern/der  
Cassuben vnd Wenden Herzogen/ıc. herrn Ernsten  
vnnnd herrn Franciscen geprüdern / Herzogenn zu  
Braunschweig vnd Lüneburg/Vnnnd Fürst Wolff-  
gangen zu Anhalt/vnsern lieben Ohemen/Geuats-  
ter vnnnd Schwegern fürgetragen/in obengezeygten  
gemeynen abscheid/mit haben gehellen noch willigen  
konnen oder mügen.

Vnd der halben/wyder solche fürgenomme ver-  
meinte verenderung des vörigen Speyrischen ab-  
scheids/vnnnd die andern angehenckten beschwer-  
lichen Articul/mit sampt vnsern freunden obgenant/  
vnd vnter andern/auff form auch lauts vnd inhalts  
wie nachfolget/öffentlich protestirt/Welcher prote-



station auch etliche der Erbarñ/frey/vnnd Reichs-  
stette/Gesandten/Botschafften/sich anhenningig ge-  
macht Auch die selbig gemelter vnserer freunde vnd  
vnserer gethone Protestation / zu den Reichs Acten  
vnd hendeln haben antworten lassen/Als nemlich.

Dieweyl wir aber befündenn/das ewre liebden  
vnd ir/auff irem fürhaben/in dem vermeynen zauer  
harren/Vnnd aber vnns / auß fürgetragen tapffern  
vsachen/vnd beschwerden/die wir igt allenthalbē  
wydderumb erholet/vnnd erneuet wöllen haben/  
beide/der gewissen halbenn/Auch das solichs ewer  
Liebden/vnnd ewer fürnehmen/von wegenn obge-  
melts schwebendenn zweyspalts / zu erhaltung frie-  
dens vnnd einigkeit/ Inn mitler weyl des Concilij nit  
dienstlich/keins wegs fügenn noch zu thun sein wil/  
das wir darein gehellenn / oder willigen sollten/Zu  
dem/das wir nach gestalt des handels / vnnd beuor  
vber den obberürten negsten Speyrischen abscheid/  
daselb nicht verpflichtet sein/sonderlich on vnser mit-  
bewilligung auß gemeltem negsten alhie zu Speyer  
gemachten abscheid/zuschreiten.

So bedenccken wir/das der vielberärten beschwe-  
rungs halben/vnser höhe vnmeydliche notturfft er-  
fordert/wyder angezeigt ewer liebden/vnnd ewer/  
als von wegen/gemelts nechsten abscheids/nichtig  
vnnd machtloß/vnnd vnser/auch der vnsern/vnnd  
meniglichs halben/vnbindig fürnehmen/offentlich  
zu protestiren/als wir auch hiemit gegenwertiglich

thun/vnd das wir auß fürgewanten vrsachen dar  
ein nicht wissen/können noch mügen gehellen/Son  
der gemellt ewer liebden vnnnd ewer fürhaben/für  
nicht vnnnd vnboundig halten gegenn ewern liebden  
vnd euch/hiemit Protestiert haben/vnd wöllen vns  
gleich woll in den sachen der Religion/in mitler zeyt/  
gemelts gemeinen vñ freyen Chriſtenlichen Concili  
oder National verſammlung/vermittelt Göttlicher  
hülffe/vermüge vnd ynhalts/des berürten nechsten  
Speyrischen abscheids/in vnſern Oberkeiten/auch  
bey vnd mit vnſern vnterthanen/vnnnd verwanten/  
also halten/leben/vnnnd regiren/wie wir das gegen  
Got dem almechtigen/vnd Römischer Keyſerlicher  
Maieſtet vnſerm aller gnedigſten Herrn/getrawen  
zäuerantwortten. Was auch der Geystlichen zinſe  
rente/gülte/vnd zehend/vnnnd den frieden belanget/  
Vnnnd in viel gemeltem nechstem Speyrischem ab  
scheid/verfaſt vnnnd außgetrückt iſt/wöllenn wir  
vnns in alle wege/ auch vnuerweiſſlich erzeygenn  
vnnnd haltenn.

Die weyl nu obgemelte vnſere liebe freunde vnnnd  
wir/vns neben angezeygter vnſer proteſtation/vor  
gemelten andern Churfürſten/fürſten/vnd Sten  
den/fürbehalten/vnd öffentlich bedingt haben/sol  
liche vnſer gethone Proteſtation/sampt vnſern be  
ſchwerungen/die wir in ſchriſſten fürgetragenn/an  
die Römische Keyſerliche Maieſtet/vnſern aller gne  
digſten Herrn/gelangenn/auch ſonſt öffentlich auß

gehen zu lassen damit menigklich wissens entpfahen  
möchte/das wir in die obangezeygte handlung/mit  
gehellet noch gewilliget haben.

So wollen wir sollich vnser anzeygung/mit dyser  
vnser offen schrift/darumb gethan vnnd kunth ge-  
macht haben/damit menigklich vnd yderman deß/  
selbigenn/ Vnnd das wir bey dem abscheid des vñ/  
rigen Speyrischen Keychstags pliebenn sind/wie  
wir auch hiemit thun/wissens trage/Vnnd wollen  
mit der hülffe des allmechtigen/in sächenn vnsernn  
glawben belangend für vns selbst/vnd vnserm vn-  
terthanen in mittler weyl/des gemeynen freyen vnd  
Christenlichen Concilij/oder National versamlung/  
also leben/regiren/vnd vns mit dem selbigen halten  
wie wir das gegen Gott dem allmechtigen vnd Rō/  
mischer Keyserlicher Maiestet/vnsern aller genedig-  
sten herrn/vertrauen zuuerantworten.

Zu verkündt vnfers hirunten getruckten Secrets

Am fünffstenn tag May/nach Christi vn-  
fers seligmachers gepurt/im fünff/  
zehenhundersten / vnnd neun  
vndzwenzigsten Jare.









